



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2024

AMANQAKU: 100

IXESHA: liyure 2½



Olu viwo lunamaphepha ama-6.

IMIYALELO NENGCACISO

1. Eli phepha linamaCANDELO AMATHATHU:
ICANDELO A: Isincoko (50)
ICANDELO B: Umhlathi omde (30)
ICANDELO C: Umhlathi omfutshane (20)
2. Phendula umbuzo ubeMNYE kwiCANDELO ngaLINYE.
3. Bhala ngolwimi ohlolwa ngalo.
4. Qala iCANDELO ngaLINYE kwiphepha ELITSHA.
5. Yenza UYILO (umzekelo, imephu yengqondo, isazobe okanye idayagram/ iflowu tshathi/amagama angundoqo, njalo njalo), hlela uze ulungise iimpazamo kumsebenzi wakho. Uyilo maluvele PHAMBI kokubhalwa kwetekisi nganye.
6. Wonke umsebenzi woyilo mawuphawulwe njengoyilo ulungenise nomsebenzi wakho. Kuyacetyiswa ukuba ukrwele umgca onqumlezileyo kulo lonke uyilo olwenzileyo.
7. Ingcebiso malunga nolwabiwo lwexesha:
ICANDELO A: Imizuzu engama-80
ICANDELO B: Imizuzu engama-40
ICANDELO C: Imizuzu engama-30
8. Nombola iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
9. Nika iimpendulo nganye isihloko esichanekileyo.
10. Isihloko masingabalwa xa kubalwa amagama asetyenzisiweyo.
11. Bhala ngokucocakileyo nangokucacileyo.

ICANDELO A: ISINCOKO

UMBUZO 1

Khetha isihloko sibe siNYE kwezi zilandelayo, uze ubhale isincoko esinamagama ali-190 ukuya kuma-240.

- 1.1 Loo nyaka awusoze ulibaleke kum! [50]
- 1.2 Ukubaluleka kokufunda ezinye iilwimi [50]
- 1.3 Ndandisithi ndiyamazi kanti ... [50]
- 1.4 Isekho imfuneko yokunxitywa kweyunifom ezikolweni! [50]
- 1.5 Indalo iluncedo ebantwini kanti ikwayingozi [50]

Khetha umfanekiso ube MANYE kule ingezantsi ubhale isincoko. Bhala inombolo yombuzo (1.6, 1.7 OKANYE 1.8). Nika isincoko sakho isihloko esifanelekileyo.

QAPHELA: Makubekho ukuzalana okucacileyo phakathi kwesincoko nomfanekiso owukhethileyo.

1.6



[Uthatyathwe ku-www.timeslive.com]

[50]

1.7



[Uthatyathwe ku-www.istockphoto.com]

[50]

1.8



[Uthatyathwe ku-www.istockphoto.com]

[50]

AMANQAKU ECANDELO A:

50

ICANDELO B: UMHLATHI OMDE

UMBUZO 2

Khetha isihloko sibe siNYE kwezi zilandelayo uze ubhale umhlathi omde ngaso. Ubude mabube ngamagama angama-80 ukuya kwi-100 umxholo kuphela.

2.1 ILETA YOBUHLOBO

Bhalela umhlobo wakho ileta ukhalazele ukungaphumeleli kwakhe kwitheko lomhla wokuzalwa kwakho.

[30]

2.2 ILETA ESESIKWENI

Bhala ileta eya kumanejala werestyu uncome impatho entle oyifumene kubasebenzi bakhe ngethuba ubuye kutya kuyo.

[30]

2.3 INQAKU LEMAGAZINI

Bhala inqaku lemagazini malunga nokulahleka kwabantwana kwiindawo zikawonke-wonke ngexesha leeholide zikaDisemba.

[30]

2.4 INTETHO ENGEKHO SESIKWENI

Bhala intetho oza kuyenza kumalungu ekwayala ongumphathi wayo, uwanika amazwi enkuthazo njengoko nilungiselela ukhuphiswano lweekwayala oluzayo.

[30]

AMANQAKU ECANDELO B: 30



ICANDELO C: UMHLATHI OMFUTSHANE

UMBUZO 3

Khetha isihloko sibe siNYE kwezi zilandelayo uze ubhale umhlathi omfutshane ngaso. Bhala amagama angama-60 ukuya kuma-80 umxholo kuphela.

3.1 IPOWUSTA

Ukwiqumrhu elikhuthaza imidlalo nezolonwabo kwindawo ohlala kuyo. Bhala ipowusta eyazisa ulutsha ngomdlali wamacwecwe (ngoDJ) oza kuzo-konwabisa ulutsha kwiholo yoluntu yendawo ohlala kuyo.

[20]

3.2 UNGENISO KWIDAYARI

Bhala ungeniso kwidayari lweentsuku ezintlanu ngamalungiselelo aphambi komdaniso webanga leMatriki.

[20]

3.3 IMIYALELO

Umzala wakho uza kuya kukhenketho lokuqeqeshelwa ubunkokeli lwabafundi, olucetywe sisikolo sakhe.

Bhala imiyalelo ngezinto amakazenze ukulungiselela olu khenketho.

[20]

AMANQAKU ECANDELO C:
AMANQAKU EWONKE:

20
100





basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2024

ISIKHOKELO SOKUMAKISHA

AMANQAKU: 100



Esi sikhokelo sokumakisha sinamaphepha ali-17.

ICANDELO A: ISINCOKO

UMBUZO 1

Imiyalelo yokumakisha

- Kweli Candelo umviwa ukhetha isincoko sibe sinye. Xa ekhethe zazibini, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Loo nyaka awusoze ulibaleke kum!	
	Imo efanelekileyo:	Intshayelelo, isiqu nesiphelo.	
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca ngomnye kule mixholo ilandelayo: • Makakhankanye iinkcukacha malunga nalo nyaka athetha ngawo. • Angabalisa ngesiganeko esinye okanye eziliqela ezathi zehla ngaloo nyaka. • Angabalula okuhle okanye okubi okwenzekayo ngaloo nyaka athetha ngawo. • Makaxele isizathu sokuba loo nyaka athetha ngawo ungabi nakulibaleka kuye. • Anganika amava akhe nawakufundayo malunga naloo nyaka athetha ngawo. • Anganika isilumkiso malunga neziganeko okanye isiganeko saloo nyaka. [Naziphi izimvo zomviwa ezisemxholweni ziya kwamkeleka.]	

[50]

1.2	Isihloko:	Ukubaluleka kokufunda ezinye iilwimi
	Imo efanelekileyo:	Intshayelelo, isiqu nesiphelo.
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
	Umxholo:	Umviwa angabalisa/chaza/camngca ngomnye kule mixholo ilandelayo: • Inkcaza ngeelwimi gabalala. • Ukubaluleka kolwimi njengesixhobo sonxibelelwano phakathi kwabantu. • Angakhankanya iilwimi ezisetyenziswa eMzantsi Afrika. • Angacacisa ngeendlela iintlanga ezahlukeyo eMzantsi Afrika ezincedakala ngayo ngenxa yeelwimi ezahlukeyo. • Makaveze uvakalelo lwakhe malunga nokwaziwa kweelwimi zaseMzantsi nefuthe elidalwa kukwazi ezinye iilwimi kwimpilo yabantu boMzantsi Afrika. • Angavelela amaziko athatha inxaxheba kuphuhliso okanye ekufundeni ezinye iilwimi neenjongo zawo kwiphulo labo lolu phuhliso. • Angachaphazela iingxaki ezidalwa kukungazazi iilwimi zabanye abantu. • Makathethe ngezinto eziyinzuzo kulowo ufunde wazi nezinye iilwimi. • Anganika imizekelo yeelwimi azaziyo neendlela okuthe kwamnceda ngazo oko. [Naziphi izimvo zomviwa ezisemxholweni ziya kwamkeleka.]

[50]

1.3	Isihloko:	Ndandisithi ndiyamazi kanti ...	
	Imo efanelekileyo:	Intshayelelo, isiqu nesiphelo.	
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/angachaza/camngca/angavelela amacala amabini/xoxa ngomnye kule mixholo ilandelayo: • Anganika inkcaza ngalo mntu awayesoloko esithi uyamazi. • Angakhankanya izizathu zokuba acinge ukuba uyamazi lo mntu athetha ngaye. • Makabalule okwathi kwenzeka ukuze akuthandabuze ukumazi kwakhe. • Angaxela indlela obachaphazeleka ngayo ubudlelwane bakhe naye. • Anganika isilumkiso esisukela kwimeko emalunga nokucinga ukuba uyamazi umntu. • Anganika amava neemvakalelo zakhe ngobudlelwane nabanye abantu. [Naziphi izimvo zomviwa ezisemxholweni ziya kwamkeleka.]	

[50]



1.4	Isihloko:	Isekho imfuneko yokunxitywa kweyunifom ezikolweni!
	Imo efanelekileyo:	Intshayelelo, isiqu nesiphelo.
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.
	Umxholo:	Umviwa angabalisa/chaza/camngca/angavelela amacala amabini/xoxa ngomnye kule mixholo ilandelayo: • Anganika inkcaza ngeyunifom. • Angakhankanya imvelaphi yokunxitywa kweyunifom ezikolweni. • Angakhankanya okukumaxwebhu karhulumente woMzantsi Afrika malunga nokunxitywa kweyunifom ezikolweni. • Kwimbono exhasayo: Angabalula ukubaluleka kokunxitywa kweyunifom ezikolweni azathuze. • Angakhankanya indlela iyunifom ephucula ngayo isidima sesikolo kunye nembonakalo yabantwana besikolo. • Angachaza ukuba iyunifom ingaluncedo njani ukunqanda ukuhleleka kwabafundi abathile esikolweni. • Angakhankanya ukuba idala ubunye phakathi kwabafundi besikolo. • Anganika imizekelo kulwazi olukhoyo nakumava akhe. • Kwimbono echasayo: Angakhankanya iingxaki ezithi zibekho xa kunyanzeliswa ukunxitywa kweyunifom ezikolweni. • Angaveza ukuthathwa kwelungelo lobuyena nokunxiba ngendlela ayithandayo. • Angabalula ukuba iyacalula kwaye ikhuthaza ukubukula ilungelo leqela elithile labantu malunga nesini. • Angakhankanya ukuchithwa kwemali kwiyunifom njengendleko engeyomfuneko endaweni kokusebenzisa iimpahla ezikhoyo. • Anganika imizekelo kulwazi olukhoyo nakumava akhe. [Naziphi izimvo zomviwa ezisemxholweni ziya kwamkeleka.]

[50]

1.5	Isihloko:	Indalo iluncedo ebantwini kanti ikwayingozi	
	Imo efanelekileyo:	Intshayelelo, isiqu nesiphelo.	
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/angavelela amacala amabini/xoxa ngomnye kule mixholo ilandelayo: • Makanike iinkcaza ngendalo. • Angakhankanya indima edlalwa yindalo ebomini jikelele. • Kwicala loncedo: Makakhankanye izinto ezenza ukuba indalo ibe luncedo. • Anganika imizekelo yezinto eziyindalo nendlela eziluncedo ngayo kuluntu. • Angaveza indima uluntu jikelele oluyenzayo kuphuhliso lwendalo ukuze ihlale iluncedo. • Kwicala lobungozi: Makakhankanye izinto ezenza ukuba indalo ibe nobungozi. • Angaveza iindlela uluntu olunokuzikhusela ngayo kubungozi bendalo. • Angaveza indima yoluntu ekwenzeni ukuba iindalo iphele inobungozi. • Makaqukumbele ngokushwankathela izimvo azibekileyo macala ze aveze olwakhe uluvo. [Naziphi izimvo zomviwa ezisemxholweni ziya kwamkeleka.]	

1.6	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/angavelela amacala amabini/xoxa ngomnye kule mixholo ilandelayo. - Inkcaza ngezixhobo zokuzimamelela isandi ezindlebeni. - Uncedo lwazo xa sifuna ukumamela okuthile sisodwa. - Uncedo lokusebenzisa izixhobo zokuzimamelela isandi kwimisebenzi ethile. - Ubungozi kumntu osebenzisa izixhobo zokuzimamelela isandi esiphezulu kakhulu ezindlebeni. - Iingozi ezizezinye ezibangelwa zizixhobo zokuzimamelela isandi ezindlebeni, umzekelo, kungakwenza ungeva nto. - Iingcebiso onokuzinika uluntu jikelele ngokusebenzisa ezi zixhobo zokuzimamelela isandi ezindlebeni ngendlela ekhuselekileyo. [Naziphi izimvo zomviwa ezisemxholweni ziya kwamkeleka.]	

[50]

1.7	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/angavelela amacala amabini/xoxa ngomnye kule mixholo ilandelayo: - Iinkcukacha ngongcoliseko lwendalo gabalala. - Iinkcukacha ezibhekiselele kulwandle. - Inkunkuma nongcoliseko lwendalo/ungcoliseko lwamanzi. - Angakhankanya ukubaluleka kokugcina ulwandle lucocekile. - Ubungozi bongcoliseko lweelwandle kwindalo ephila kulo. - Igalelo labantu elibangela/ elithintela ungcoliseko lwamanzi. - Iingxaki zezozoqosho ngenxa yongcoliseko lweelwandle. - Ifuthe longcoliseko kwiintsapho nakubakhenkethi. (Umviwa angasitolika ngokwentsingiselo yentsusa/ efihlakeleyo isihloko.) [Naziphi izimvo zomviwa ezisemxholweni ziya kwamkeleka.]	

[50]

1.8	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi:	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/xoxela amacala amabini/xoxa ngomnye kule mixholo ilandelayo: • Anganika inkcaza ngonxibelelwano lwetekhnoloji. • Angathetha ngeselfowuni njengesinye sezixhobo zonxibelelwano. • Angakhankanya iindidi zeeselfowuni nendlela ezisebenza ngayo. • Makanike ingcaciso ngendima edlalwa ziiselfowuni kwimpilo yabantu kule mihla. • Angakhankanya uncedo lwazo ekufikeleleni kwiindawo ezithile nasekufuneni imisebenzi. • Angakhankanya ukuba zingasebenza njengezixhobo zokhuseleko. • Angabalula okuhle nokubi malunga neeselfowuni. • Angakhankanya ukuphela konxibelelwano olukukuthetha/incoko/ubudlelwane phakathi kwabantu abahleli kunye ngenxa yeselfowuni. • Anganika amava akhe malunga noncedo okanye ingxaki ayifumana ngenxa yeselfowuni. • Anganika iingcebiso malunga nendlela yokusebenzisa iiselfowuni kwiindibano zolutsha. [Naziphi izimvo zomviwa ezisemxholweni ziya kwamkeleka.]	

[50]

IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Masisebenzise ixesha eladlulayo/elidlulileyo/elimiyo.
- Masibonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.

Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, izihlomelo, neziphuhliso ezifana nezifanekisozwi.
- Sisebenzisa imifanekiso-ntelekelelo nezafobe zentetho.

Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyacamngca. (Sisebenzisa izixhobo zokuchaza nokuzoba imeko ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi kwakunye nezafobe zentetho).

Uvakalelo lombhali maluveze ukunyaniseka kunye nokubandakanyeka.

Isincoko esixoxela icala elinye:

- Umviwa uthatha icala ngomba othile.
- Uthotho lweengxoxo-oludla ngokuba kwimo engengcaciso ngeengongoma ezithile.
- Ukubethelela-isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.

Isiphelo sisenokuba sisishwankathelo neengcebiso.

Kwisincoko esivelela amacala omabini

- Inkcazelo inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma enika ubungqina obuyinyani obuxhasayo.
- Isiphelo – ingasisishwankathelo neengcebiso.

Makabonise ulwazi ngesihloko nangomba axoxa ngawo.

AMANQAKU ECANDELO A: 50



ICANDELO B: UMHLATHI OMDE

Imiyalelo yokumakisha

- Kweli candelo umviwa ukhetha umhlathi ube mnye. Ukuba ukhethe yamibini, makisha owokuqala.
- Ubude bomhlathi omde mabube ngamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

UMBUZO 2

2.1 ILETA YOBUHLOBO

- Idilesi inye yeyomntu obhala ileta.
- Isibuliso – sesifanelekileyo, ileta iya kumhlobo wakhe, ambize ngegama.
- Intshayelelo, isiqu nesiphelo mazahluke zicace.
- Ithoni neregista mazibonakalise ukuba ubhalela umhlobo wakhe.
- Umxholo mawube malunga nokukhalazela ukungaphumeleli komhlobo wakhe kwitheko lomhla wokuzalwa kwakhe.
- Kwisiphelo kubhalwa igama kuphela.
- Izingxi azisetyenziswa kwidilesi, isibuliso nesiphelo.

[30]

2.2 ILETA ESESIKWENI

- Idilesi zimbini eyomntu obhalayo nalowo ubhalelwayo.
- Isibuliso – sesisesikweni- umzekelo: Mhlekaizi obekekileyo.
- Umcimbi/umba – xa ubhalwe ngoonobumba abancinci ukrwelelwa umgca.
- Ithoni neregista mazibonakalise ukuba ubhala ileta esesikweni.
- Umxholo ngowokuncoma impatho entle ayifumene kubasebenzi bemanejala yerestyu ebeyokutya kuyo.
- Isiphelo seseleta esesikweni – igama nefani zibhalwe ngokupheleleyo.
- Ulwimi malube lolusesikweni.

[30]

2.3 INQAKU LEMAGAZINI

- Isihloko masibe nomtsalane sidlwengule umxholo.
- Igama lomntu obhala inqaku malivele.
- Makuqalwe ngesizathu sokubhalwa kweli nqaku; Umxholo mawube malunga ngokulahleka kwabantwana kwiindawo zikawonke-wonke ngexesha leeholide zikaDisemba.
- Isimbo sokubhala singaba sesichazayo nesikhatshwa zizafobe ukutsala umdla.
- Amagama, iindawo, amaxesha obume bendawo kunye nezinye iinkcukacha ezifunekayo mazifakwe kwinqaku elo.
- Malibhalwe ngokweekholam.
- Makusetyenziswe ulwimi olufanelekileyo.

[30]

2.4 INTETHO ENGEKHO SESIKWENI



- Mabakhankanywe abantu abaza kuba bekho.
- Mayivele imo yesithethi novakalelo lwaso.
- Usuku, umhla nendawo ekwenziwa ngayo intetho maluxelwe.
- Iinjongo zentetho mazicace.
- Umxholo mawube ngamazwi enkuthazo avela kumphathi kwayala njengoko ilungiselela ukhuphiswano oluzayo.
- Ulwimi malube lolungekho sesikweni.

[30]

AMANQAKU ECANDELO B: 30



ICANDELO C: UMHLATHI OMFUTSHANE

Imiyalelo yokumakisha

- Kweli candelo umviwa ukhetha umhlathi ube mnye, aze athi ukuba ukhethe yamibini, umakisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

UMBUZO 3

3.1

IPOWUSTA

- Makulandelwe ifomathi efanelekileyo.
- Okubhaliweyo kwipowusta makucace, kunike umdla.
- Mayicace ukuba ipowusta ijolise koobani.
- Makuvele umhla nexesha oza kuqala ngalo umcimbi.
- Makuvele iinkcukacha zalo mdlali-macwecwe kuxelwe nezinto ezitsala umdla ngaye.
- Iinkcukacha malunga nohlobo lomculo awudlalayo, mazivele zonke.

[20]

3.2

UNGENISO KWIDAYARI

- Ibhalwa kumntu wokuqala, kusetyenziswa izakhi oo- 'ndi'.
- Mayibe lolweentsuku ezintlanu.
- Umhla nexesha lokubhala libalulekile.
- Umxholo mawube ngowokulungiselela umdaniso webanga leMatriki.
- Akunyanzelekanga ukuba imihla ibe yelandelelanayo.
- Imizwa neemvakalelo zinokuvakaliswa.
- Umviwa uvumelekile ukuba asebenzise nolwimi olungekho sesikweni.

[20]

3.3

IMIYALELO

- Mayibe malunga namalungiselelo okhenketho.
- Makuvele izinto ekunyanzeleke ukuba abe nazo phambi kohambo, ezihambelana nenjongo yokhenketho.
- Imiyalelo mayicace gca, kusetyenziswe isiyaleli ubukhulu becala.
- Makusetyenziswe imo evumayo ubukhulu becala.

[20]

AMANQAKU ECANDELO C: 20
AMANQAKU EWONKE: 100

QAPHELA:

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO		28–30	22–24	16–18	10–12	4–6
(Impendulo nezimvo) Ukubekelela izimvo ngenjongo yokucwangcisa Ukubonakalisa ukuyazi injongo, abantu ekujoliswe kubo kunye nemeko	Umgangatho ongentla	-Impendulo ebalaseleyo enomtsalane, ngaphaya kobekulindelekile -Izimvo zihlakaniphile, zixhokonxa iingcinga kwaye zinemfezeko -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko	-Impendulo ixonxwe ngobugcisa obukhulu -Izimvo zinxulumene nomxholo kwaye zinika umdla, bukho ubungqina bemfezeko kwizimvo -lingcamango zibekelwe ngokwakhelanayo kuquka intshayelelo, isiqu nesiphelo	-Impendulo iyanelisa ngokupheleleyo -Izimvo ziyamathelana noko kwaye zingakuguqula ukucinga kofundayo -lingcamango zibekelwe ngokunamatheleneyo kuquka intshayelelo, isiqu nesiphelo	-Impendulo ingena iphuma emxholweni akukho lunamathelwano kwizimvo -Izimvo azicacanga kwaye ezinye zazo zezemboleko -Buncinci kakhulu ubungqina bobekelelo nonamathelwano lweengcamango	-Impendulo ayikho mxholweni konke konke -Izimvo zibondene azingqalanga ntweni -Azivakali izimvo kwaye ziyaphindaphindwa/ uthetha into enye -lingcamango zibekwe xazalala azinalunxibelelwano
30 AMANQAKU	Umgangatho ongezantsi	25–27	19–21	13–15	7–9	0–3
		-Impendulo encamisileyo kodwa akukho zimpawu zakubalasela kubhekele phi kwisincoko -Izimvo zivuthiwe zixhokonxa iingcinga -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo	-Impendulo ixonxwe ngobugcisa -Izimvo zisemxholweni kwaye zinika umdla -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo	-Impendulo iyanelisa nangona kumana kubakho ukungacaci kwiindawo ezithile -Kukho ukunamathelana okubonakalayo kwizimvo kwaye kuyanelisa -Kukho ukubekelwa kweengcamango nonamathelwano kwintshayelelo, isiqu nesiphelo	-Impendulo iphumile emxholweni ubukhulu becala -Izimvo ziyaqhawu-qhawuka ziyabhidisa -Buyanqaphazeka ubungqina bokubekelweleka kweengcamango nonamathelwano	-Impendulo itenxile malunga nomxholo -Izimvo zitenxile zingcwecwela kude nomxholo -lingcamango ziyingxubevange engenamqalisela

IRUBRIKI YOKUHLOLA IZINCOKO – ULWIMI LOKUQALA OLONGZELELWEYO [50 AMANQAKU] (isaqhubeka)

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHLELA	Umgangatho ongentla	14–15	11–12	8–9	5–6	0–3
Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo		-Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko -Ulwimi lusetyenziswe ngokuzithemba, luyathabathekisa -Ithoni enomtsalane nezafoke zentetho eziphumeza injongo -Phantse kube akukho nasinye isiphene solwakhiwo zivakalisi, upelo nokusetyenziswa kolwimi -Sixonxwe ngobugcisa obukhulu	-Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko -Ulwimi luchaneke ngakumbi kwaye ithoni isetyenziswe ngokuchaneke kwisincoko siphela -Iziphene zokusetyenziswa kolwimi nopelo zinqongophele -Sixonxwe ngobugcisa obukhulu	-Ithoni, irejista, isimbo, isigama zifanelene nenjongo, abantu ekujoliswe kubo kunye nemeko -Ulwimi olufanelekileyo ludlulisa umyalezo -Ithoni ifanelekile -Izafobe zentetho zinonga umxholo	-Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko -Ulwimi lusetyenziswa ngendlela ebuthathaka -Ithoni nochongo magama azifanelekanga -Isigama sinqongophele	-Ulwimi aluvakali -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko -Ukunqongophala kwesigama kubaxekile kangangokuba ayinasihlahla into ebhaliweyo
15 AMANQAKU	Umgangatho ongezantsi	13	10	7	4	
		-Ulwimi luchaneke kanye nezafoke zisetyenziswe ngethoni ephumeza ukudlulisa umyalezo -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi -Sixonxwe ngobugcisa obukhulu	-Ulwimi lunomtsalane kwaye luyaziphumeza iinjongo zokubhala -Ithoni ifanelekile kwaye iyaziphumeza iinjongo zokubhala -Zimbalwa iziphene zezakhi zezivakalisi kunye nopelo -Sixonxwe ngobugcisa	-Kuyanelisa ukusetyenziswa kolwimi kodwa asekho amakhwiniba -Ithoni ifanelekile kodwa izafobe zentetho ezisetyenzisiweyo zinqongophele	-Ukusetyenziswa kolwimi kubonisa ububhetyebhetye -Izivakalisi zinobuthathaka-azitshintsha-tshintshwa -Isigama sinqongophele ngokubalaseleyo	
ISAKHIWO		5	4	3	2	0–1
limpawu zetekisi Ukukhula kwemihlathi nokwakhiwa kwezivakalisi		Isihloko sikhuliswe ngokuncamisayo -linkcukacha zibalasele ngokungaqhelekanga -Izivakalisi, imihlathi zakhiwe zaqiqisiswa ngokugqwesileyo	-linkcukacha ezinengqiqo zikhuliswe ngokwakhelanayo -Izimvo zinamathelene -Izivakalisi, imihlathi zitshintshatshintshwa ngobuchule obuqiqisisiweyo	-linkcukacha ezisemxholweni zikhuliswe -Izivakalisi, imihlathi zakhiwe kule -Isincoko sibunjwe ngengqiqo	-Zikho iingcamango ezamkelekileyo -Isakhiwo sezivakalisi nesemihlathi sinamakhwiniba -Isincoko sisenayo ingqiqo	-lingcamango ezifunekayo zinqongophele -Isakhiwo sezivakalisi nesemihlathi sigxoko-gxoko -Isincoko asinangqiqo
5 AMANQAKU						
UMMANDLA WAMANQAKU		43–50	33–40	23–30	13–20	0–10

ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo Ukuqoqwa kwezimvo ngenjongo yokucwangcisa Injongo yokubhala, abo kujoliswe kubo, iimpawu/imigaqo yetekisi, kunye nemeko 18 AMANQAKU	15–18 -Impendulo igqwesile idlule okuqhelekileyo -Izimvo ziqiqisisiwe kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile uhleli emxholweni -Kukho ukunamathelana kwizimvo nomxholo -lingcamango zidakancwe ngobunono zonke iinkcukacha zixhasa isihloko -Ifomathi ifanelekile kwaye ichanekile	11–14 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixoxwe zadakancwa ngokunamatheleneyo kumxholo nezimvo -Iinkcukacha zixhasa isihloko -Ifomathi ifanelekile ineendawana ezingachanekanga ezingephi	8–10 -Impendulo iyanelisa ibonakalisa ulwazi lweempawu zolu didi lwetekisi -Izimvo ziyaphuma emxholweni kwaye kukho nokugqwidiza -Ukunamathelana kumxholo nezimvo kufanelekile -Ezinye iinkcukacha zixhasa isihloko -Ifomathi ifanelekile kodwa kusekho ukungachaneki	5–7 -Impendulo ibonakalisa ulwazi olungephi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili isetyenziswe ngokungaqondi -Kutyeshelwe izinto ezininzi	0–4 -Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo ide iphume emxholweni -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
ULWIMI ISIMBO SOKUBHALA NOKUHLELA Ithoni, irejista, isimbo, injongo/ifuthe, abo kujoliswe kubo kunye nemeko Ukusetyenziswa kolwimi nemigaqo Uchongo magama limpawu zokubhala kunye nopelo 12 AMANQAKU	10–12 -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	8–9 -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala akukho zimpazamo	6–7 -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo nomyalezo	4–5 -Ithoni, irejista, isimbo, nesigama azingqamani ncam nenjongo kwakunye nabantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Singqongophele isigama -Kukho amagingxi-gingxi kwintsingiselo	0–3 -Ithoni, irejista, isimbo, nesigama azingqamani kwaphela nenjongo, imeko kwakunye nabantu ekujoliswe kubo -Izele ziimpazamo ixazalala -Isigama asifanelananga nenjongo -Intsingiselo ilahleke kakhulu
UMMANDLA WAMANQAKU	25–30	19–23	14–17	9–12	0–7

ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI	10–12	8–9	6–7	4–5	0–3
Impendulo nezimvo Ukubekelwa kwezimvo Iimpawu zetekisi/ umgaqo kunye nemeko 12 AMANQAKU	-Impendulo igqwesile ibonisa ukuqisiswa kwezimvo -Izimvo zihlakaniphile kwaye zivuthiwe -Luphangalele ulwazi Iweempawu zolu didi lwetekisi -Umsebenzi ungqalile akukho kugqwidiza -Kubonakala ukunamathelana kwizimvo nomxholo -lingcamango zidakancwe ngobunono kwaye zonke iinkcukacha zixhasa isihloko -Ifomathi ifanelekile kwaye ichanekile	-Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixonxwe zadakancwa ngokunamatheleneyo kumxholo nezimvo -linkcukacha zixhasa isihloko -Ifomathi ingqalile iindawana ezikhoyo ezingachanekanga aziyiphazamisi injongo yokubhala	-Impendulo iyanelisa ibonakalisa ulwazi Iweempawu zolu didi lwetekisi -Izimvo azisoloko zisemxholweni kwaye kukho nokugqwidiza -Ukunamathelana kumxholo nezimvo kwenzeka ngokufanelekileyo -Ezinye iinkcukacha zixhasa isihloko -Ifomathi ingqalile kodwa zikho iindawana ezingachanekanga	-Kubonakala ubunzima malunga nolwazi Iweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili ityeshelwe okanye isetyenziswe ngokungaqondi	-Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo. -Intsingiselo iduka kwisakhiwo esixazalala -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
ULWIMI, ISIMBO NOKUHELELA	7–8	5–6	4	3	0–2
Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama Iimpawu zokubhala kunye nopelo 8 AMANQAKU	-Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	-Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala azikho iimpazamo	-Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo	-Ithoni, irejista, isimbo, nesigama azifanelananga ncam nenjongo, abantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi- gingxi kwintsingiselo	-Ithoni, irejista, isimbo, nesigama azifanelananga kwaphela nenjongo, imeko kwakunye nabantu ekujoliswe kubo -Izele ziimpazamo ixazalala iyadida -Isigama asihambelani nenjongo -Intsingiselo ilahlekile kakhulu
UMMANDLA WAMANQAKU	17–20	13–15	10–11	7–8	0–5